



CANTON SARAJEVO
Ministry of Communal Economy, Infrastructure,
Physical Planning Construction and
Environmental Protection

Broj: 05-01-04-19718-15/21
Sarajevo, 10.05.2021. godine

SKUPŠTINA KANTONA SARAJEVO

- OVDJE -

PREDMET: Odgovor na zastupničku inicijativu zastupnika Senada Hasanovića, dostavlja se

Veza: Vaš akt br.: 01-04-19718-15/21 od 29.04.2021 godine

Dana 06.05.2021. godine, Ministarstvo komunalne privrede, infrastrukture, prostornog uređenja, građenja i zaštite okoliša je zaprimilo predmetni akt broj: 01-04-19718-15/21 od 29.04.2021. godine na nadležno postupanje sa prilogom, zastupnička inicijativa zastupnika Senada Hasanovića.

Zastupnik Senad Hasanović je na 35. (tridesetpetoj) Radnoj sjednici Skupštine Kantona Sarajevo, održanoj dana 28.04.2021. godine, u okviru tačke dnevnog reda "Poslanička/zastupnička pitanja, inicijative i odgovori", a u skladu sa članovima 106. i 213. Poslovnika Skupštine Kantona Sarajevo pokrenuo je **zastupničku inicijativu sa obrazloženjem** koja glasi:

"Na osnovu člana 106. i 213. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11 7/12 i 26/12), prema Skupštini Kantona Sarajevo:

Pokrećem inicijativu prema Vladi Kantona Sarajevo da se aktivno uključi u proces toplifikacije objekata kolektivnog stanovanja na području Općine Vogošća, a zbog evidentnog zastoja u ovom procesu uslijed neriješenog statusa "Bags - Energotehnika" d.d. Vogošća.



Obrazloženje:

Stanovnici ul. Semira Gradišića Općine Vogošća iskazali su zainteresiranost za priključenje na toplovodnu mrežu "Bags - Energotehnike" d.d. Vogošća, odgovor pomenutog preduzeća sugerira da neće biti daljih aktivnosti po ovom pitanju dok se ne definiira njihov konačan status.

Imajući u vidu da rješavanje statusa "Bags - Energotehnike" d.d. Vogošća je već dugo bez konkretnih rezultata, molim Vladu Kantona Sarajevo da iznađe način i omogući građanima Općine Vogošća priključenje na sistem daljinskog centralnog grijanja bez obzira na dinamiku rješavanja konačnog statusa samog društva.

Građani ne mogu biti taoci sporog i neučinkovitog rješavanja odnosa između pružaoca usluga i Vlade kao većinskog vlasnika već zaslužuju jednak odnos po ovom pitanju kao i ostali građani Kantona Sarajevo.

ODGOVOR

Na osnovu odredbi Zakona o komunalnim djelatnostima ("Službene novine Kantona Sarajevo", broj 14/16, 43/16, 10/17 – ispravka, 19/17, 20/18 i 22/19) , u poglavlju: Finansiranje komunalne infrastrukture, član 37. stoji da se "Građenje objekata i uređaja komunalne infrastrukture finansiraju iz:

- a) naknada koje se naplaćuju iz osnova propisa o prostornom uređenju i građevinskom zemljištu,
- b) budžeta Kantona, Grada ili općina,
- c) donacija,
- d) drugih izvora utvrđenih posebnim propisom".

Realizacija ovakvog projekata izgradnje termoenergetskih postrojenja i instalacija za isporuku toplotne energije koja zahtjeva punu saradnju resornog ministarstva odnosno Vlade Kantona Sarajevo sa lokalnom zajednicom i "BAGS - ENERGOTEHNIKA" d.d. Vogošća bi se mogla realizovati tek nakon sagledavanja cjelokupne situacije sa aspekta vlasničke strukture i transformacije odnosno dokapitalizacije preostalog dijela privatnog dioničkog kapitala.

Takoder, želimo se osvrnuti i na to da je Vlada Kantona Sarajevo donijela Odluku o usvajanju "Studije izvodljivosti o proširenju i poboljšanju sistema daljinskog grijanja u Kantonu Sarajevo", broj 02-05-32299-16/19 od 05.09.2019. godine, kojom je između ostalog data cjelovita analiza postojećeg stanja, te mogućnosti poboljšanja i proširenja sistema daljinskog grijanja, kako na području Kanton Sarajevo, tako i područja Vogošće.

S obzirom na to da na području Općine Vogošća, u sistemu daljinskog grijanja je i "BAGS ENERGOTEHNIKA" d.d. Vogošća koja kao energent za proizvodnju toplotne energije koristi Mazut i ima velike gubitke u sistemu, prema analizi proširenja sistema daljinskog grijanja, potrebno je obezbijediti dodatnih 6.959 MWh toplotne energije, od čega je 5.870 MWh za potrebe zagrijavanja stambenih objekata, a preostali 1.089 MWh za zagrijavanje javnih objekata.

U postojećoj kotlovnici za proizvodnju i distribuciju toplotne energije, kotlovsko postrojenje ukupno instalirane snage 54 MW. Ukupna dužina distributivne mreže je cca 6.500 m. U proizvodnom pogonu koriste se parni kotlovi K-1 i K-2, koji koriste kao energent mazut.



Efikasnost postojeće kotlovnice je ispod nivoa prihvatljivosti za ovakve sisteme, što zbog starosti postojeće opreme, što zbog činjenice da je trenutni konzum dosta manji od instalirane snage kotlova, pa je potrebno što prije gašenje postojećih kotlova instalacija sa kompletnom pratećom opremom. Bitno je napomenuti da se i u "Studiji izvodljivosti o proširenju i poboljšanju sistema daljinskog grijanja u Kantonu Sarajevo" navedeni da su trenutačni toplotni gubici u sistemu daljinskog grijanja "BAGS ENERGOTEHNIKA" d.d. Vogošća iznose 11.857,2 MWh (71%), a isti bi se mogli značajno smanjiti prioritarnim ulaganjem u novu kotlovnicu i instalacije nove primarne mreže, te bi projekcija mogla iznositi 1.780 MWh na kraju razmatranog perioda (od 20 godina). Trenutačna potrošnja električne energije iznosi 609 MWh, a projekcije su da bi potrošnja bila smanjena kroz razmatrani period od 20 godina na 276 MWh, što se ogleda u tome da bi se sadašnja kotlovnica trebala potpuno zamijeniti novom, manjeg kapaciteta i instalacija. Trenutačna potrošnja vode iznosi 15.000 m³, a projekcijom bi trebala biti smanjena na oko 920 m³. Rezultat ovakvog smanjenja potrošnje vode je zamjena kompletne postojeće zastarjele primarne mreže.

Uzimajući u obzir trenutne energijske potrebe od 4.769 MWh, kao i priključenje novih korisnika, potrebna snaga nove kotlovnice bi trebala biti od 14 MW sa ugradnjom tri kotla, koja bi trebala raditi kaskadno čime bi se produžio vijek trajanja postrojenja. Prema predviđenom planu, nakon pete godine implementacije usvojenog Scenarija iz navedene Studije, ulaganje u SDG - sistem daljinskog grijanja u "BAGS ENERGOTEHNIKA" d.d. Vogošća bi trebala iznositi 15.979.680,00 KM.

Na kraju, ističemo da će se najprije pristupiti dokapitalizacije preostalog dijela privatnog dioničkog kapitala u "BAGS ENERGOTEHNIKA" d.d. Vogošća, sa ciljem da u cijelosti postane vlasništvo Kantona Sarajevo, a onda bi se pristupilo realizaciji investicije izgradnje novih termoenergetskih postrojenja za proizvodnju toplotne energije i instalacija za isporuku toplotne energije koja bi na kraju u proces toplifikacije na području Općine Vogošća omogućila poboljšanje u korištenju toplotne energije u objektima kolektivnog stanovanja, a time proširenje i priključenje na sistem daljinskog centralnog grijanja drugih naselja na području Općine Vogošća, pa samim time i stanovnicima ul. Semira Gradišića koji iskazali su zainteresiranost u predmetnoj inicijativi zastupnika Skupštine Kantona Sarajevo.

S poštovanjem,


MINISTAR

Enver Hadžimetović, dipl.ing.maš.

Dostaviti:

- ① Naslovu.
2. Stručnoj službi Vlade Kantona Sarajevo.
3. Evidencija.
4. Arhiva.

